



Tidak semua negara di dunia ini menggunakan logo sempena sambutan Hari Kemerdekaan negara masing-masing. Malaysia merupakan antara negara yang melihat logo sebagai satu elemen penting yang dapat memainkan peranan dalam mengajak rakyat supaya lebih menjiwai makna sambutan Hari Kemerdekaan. Logo Hari Kemerdekaan telah wujud sejak tahun 1976 iaitu kira-kira 19 tahun selepas Malaysia mencapai kemerdekaan pada 31 Ogos, 1957. Logo Hari Kemerdekaan yang pertama (1976) telah diperkenalkan oleh Tan Sri (kini Tun) Mohd. Ghazali Shafie selaku Pengerusi Perayaan Hari Kebangsaan tahun tersebut. Mulai tahun tersebut, logo-logo telah direkacipta oleh sekumpulan pensyarah dan penuntut Institut Teknologi MARA Shah Alam (kini UiTM) berdasarkan tema perayaan yang diputuskan oleh Jawatankuasa Pusat Perayaan Hari Kebangsaan.

Dalam tahun 1988, Tan Sri Sanusi Junid selaku Pengerusi Perayaan Hari Kebangsaan telah menyarankan supaya satu pertandingan mencipta logo diadakan. Ianya bertujuan untuk mendapatkan karya yang lebih bermutu di samping menggalakkan lebih ramai rakyat Malaysia mengambil bahagian secara aktif dalam acara-acara sambutan Hari Kemerdekaan. Bermula tahun tersebut, pertandingan mencipta logo telah dikendalikan oleh Jawatankuasa Kecil Pertandingan Mencipta Logo kecuali pada tahun 1991 di mana logo yang bertemakan 'Wawasan 2020' telah direkacipta khusus oleh Tuan Haji Hashim Hassan, seorang artis dan juga Pensyarah Kanan, Kajian Seni Lukis dan Seni Reka di Institut Teknologi MARA, Shah Alam. Logo-logo yang digunakan pada tahun-tahun berikutnya telah dicipta oleh pemenang-pemenang pertandingan.

Logo Hari Kemerdekaan selalunya mencerminkan imej negara yang bebas dari jajahan kuasa luar. Elemen-elemen yang digunakan untuk merekabentuk sebuah logo Hari Kemerdekaan pada kebiasaannya mempunyai ciri-ciri yang berkaitan dengan semangat cintakan negara. Logo biasanya direkabentuk dalam satu imej yang menarik, ringkas tetapi padat dengan maksud tersirat disebaliknya yang dapat menggambarkan semua mesej yang hendak disampaikan. Logo yang dicipta pada asalnya berfungsi sebagai tapak atau platform untuk kerajaan menyampaikan mesej kepada masyarakat tentang sesuatu isu, sebagai contoh logo yang melambangkan perpaduan, kesepakatan, semangat setiakawan dan sebagainya melalui bentuk atau elemen yang digunakan dalam logo Hari Kemerdekaan seperti bentuk bulat, orang, tangan dan sebagainya.



Rajah 1 menunjukkan antara logo-logo untuk sambutan hari kemerdekaan Malaysia dari 1976-2021.

1976 Ketahanan Rakyat	1977 Bersatu Maju	1978 Kebudayaan Sendi Perpaduan	1979 Bersatu Berdisiplin	1984 Amanah Asas Kejayaan	1985 Nasionalisme Teras Perpaduan	1986 Bangsa Tegak Negara Teguh	1987 Setia Bersatu Berusaha Maju
1980 Berdisiplin Berbakti	1981 Berdisiplin Berharmoni	1982 Berdisiplin Giat Maju	1983 Bersama Ke Arah Kemajuan	1988 Bersatu	1989 Bersatu	1990 Berjaya	1991 Wawasan 2020

1992 Wawasan Asas Kemajuan	1993 Bersatu Menuju Wawasan	1994 Nilai Murni Jayakan Wawasan	1995 Jati diri Penggerak Wawasan
1996 Budaya Penentu Kecapaian	1997 Akhlak Mulia Masyarakat Beriaya	1998 Negara Kita Tanggungjawab Kita	1999 Bersatu Ke Alaf Baru

2000-2006 Keranamu Malaysia	2007 Malysiaku Gemilang	2008 Perpaduan Teras Kejayaan
2009 1Malaysia Rakyat Didahulukan, Pencapaian Diutamakan	2010 1Malaysia Menjana Tranformasi	2011 1Malaysia Transformasi Berjaya Rakyat Sejahtera
2012 1M55 Merdeka Janji Ditepati	2012 Janji Ditepati	

2013 MERDEKA Malysiaku Berdaulat: Tanah Tumpahnya Darahku	2014 MALAYSIA... Di Sini Lahirnya Sebuah Cinta	2015-2016 MALAYSIA Sehati Sejiwa	2017 NEGARAKU SEHATISEJIWA Negaraku Sehati Sejiwa
2018-2019 Sayangi Malysiaku	2020 MALAYSIA PRIHATIN		

Tema Hari Kebangsaan 2021

MALAYSIA PRIHATIN

Rajah 1: Logo Hari Kemerdekaan Malaysia (sumber: www.malysiamerdeka.gov.my)